




					漢書門
			九	三	
		一	一		
		一	〇	九	
		六	二	四	
		冊	架	函	號

庫	文	閣	內
元	九	漢	
三	一	書	
四	九		
冊	六		
架	冊		
	號		
	類		

內閣文庫	
番號	漢 9196
冊數	6 ( 1 )
函號	297 38



郎川戴舒菴著

# 天台治畧

師恕堂藏版

天台治畧者舒菴戴君宰

天台之政績也戴君於已

孟秋捧檄蒞台邑在

萬山中地境通第難所

君精心譬畫濟之以勤凡



前令之所怠弛与他是令  
力所不能且視為不必者  
無不次第整飭期月而化  
茂時余方撫浙於諸序吏  
中心笑之既奉

命長柏臺自愧無以担稱乞

國家以人材為棟幹乞而不  
舉是物教矣因以君既監  
海鹽令果不入告已矣

余首內召矣欬養乃襲其著

月中心力一以注聽陳而係外  
鑄之於版其洒注陳言為  
茂後命之其哀與高才  
朗浮次芽緩急之如置  
可按心緒而預十指以勢也

舒卷儀觀甚偉耳少獲  
南宮長安公猷多目層之

聖天子選諸進士儲之初館

養自陟志未敢為令長以親  
民遂需次十四年而為今矣

台其愧之也久其講之也然  
駛如帆飽風湧此其  
高屋之雷四散而不可禦  
也凡聽訟者吏三月先一日  
尋兩造之詞粘牒之以為

寸楮標筆其其要呈之  
署中其幕僚後閱一可存與主  
人論定而後視堂舒卷一切謝  
絕之置一簿於几上列訟者  
辨其曲直批卻道守不款

片語中要言好人詞畫或  
字拔凌素之節義乃書其  
惟狀於海宇道草如乳杖  
未終而案已之一日而得數十  
案今以昭所載者皆是也

前代劉東山先生六少年  
殘進士孫館驥為弘治  
第一名臣而然山亭先生中  
會之讀去中一秋乃生平以未  
得為外吏心常慙：今

舒卷既適所願而其才與  
守又並古人而有人臣天官而  
上中功偉績立旂常勅  
鐘鼎於級而於治畧一  
編其意一解之小試也

夫

高安朱軾可亭父書



讀書與從政有二道乎童  
而習之以逮於長風雨孤  
燈咿唔咕畢幾於漂麥已  
羊之弗知一朝拾科名為  
郡邑長吏簿書填委四顧



茫々於是別求所謂治譜  
否則以文移公牒鬼薪城  
旦之律文悉委之幕僚吏  
胥之手主者署尾畫諾而  
能事畢矣此所謂腐儒不  
適時用者也夫古人學古  
入官又言窮徑以致用儒  
術吏治歧出而同歸余少  
壯登  
朝駁歷中外慨然慕古之

賢守令者耳目所及延訪  
無虛日庾子冬奉

命撫浙之為邑者凡七十  
有五而天台令戴君其名  
早已章徹天台故小邑也

僻處浙東隅戶少而俗敝  
地瘠而民貧官斯土者非  
賢且能未易勝任戴君早  
作夜思興利剔蠹一洗此  
窳苟且之習其守不名一

錢而其才可敵八面絲絃  
揮霍如干將莫邪之出匣  
光鎧四射而不可掩也夫  
戴君績學讀書起家名進  
士出宰百里新硯煥發恢

乎游刃有餘綜理擘畫  
摘伏發奸絕無鉅筭鈎距  
之術而百姓自不能欺戴  
君可謂不負所學矣今年  
春御史大夫朱公上其治

狀於朝

聖天子嘉之徵入為中都官

乃盡出其所以為治者凡

公移削牘讞語條教與勸

農課士之章若干篇彙為

一帙而就正於余、惟尚

書有敷奏明試之典戴若

治天台成蹟顯著是編已

撮其大凡奏之


明廷是徵治行第一頒布

卷序  
五  
於天下則郡邑吏之章程  
式令也戴若真能適時用  
朱公真能為

國家樹人夫朱公清操雅  
望朝野屬目而於戴若真  
針芥水乳之契將來步趨  
其後塵天下蒼生胥有賴  
焉其建白有大於此者矣  
是為序

康熙辛丑陽月孝感屠沂

艾山書於武林官署



浙稱佳山水首天台孫興  
公賦所謂山嶽神秀靈仙  
窟宅者顧其地多峭壁層  
巒田疇磽瘠又民多桀鰲  
胥吏作奸非優於治者未

易爲理江左戴君舒庵來  
牧茲土君爲家中丞門下  
士任事初謁余於會城見  
其器宇昂藏言辭磊落有  
嶽立懷方之概余固心重  
之嗣後奉委監賑金華旋  
委雲和檢驗繼又分校鄉  
闈一歲之間席不暇煖而  
才識通敏鈎幽剔微悉非  
他人所到簿書糅雜裁決

如流大著聲跡邑豪猾多  
歛手避焉今年春

上命廷臣保舉行取諸邑令

而總憲朱公遂以君與

海鹽梁君特薦皆破格膺

內召蓋君服官未及兩載而

能以廉正已以勤涖事以

嚴毅約束吏胥以慈愛拊

循百姓卓然古良吏風是

其醞釀於學問者深故能



準古宜今而一張一弛咸  
擘畫有條理如此也君今  
行矣從此出其所蘊以黼  
黻太平不特爲蒼生慶更  
爲家中丞得士賀而治畧  
一書君所夙夜懃懇於台  
人者此亦可以見其大凡  
焉余於剗劂旣成樂得而  
序之謂推此以往雖宰天  
下不難也

皆

康熙辛丑孟冬遼海王之

麟拜序



余少壯宦游跋歷幾遍天

下每見郡邑長吏非有訾

窳苟且之習即用鉅筭鈎

距之術求其忠信明決豈

第慈祥和昌黎所稱石叟

仙序  
士之仁且勇者殆未易覩  
予於康子喜奉

命旬宣兩浙天台令舒菴戴  
君適奉

兩大憲委賤湯涇武義剽  
弊斃奸窮民咸沾實惠懷  
德畏我口碑載道不替心  
焉數之後屢於簿書中披  
閱所詳如戰船丁糧清賦  
歸儲諸大業以及有闡國

計民生之事無不愷切詳  
明極中肯綮又必立見施  
行絕化空言無補浮泛粉  
飾者可比玉在石勤於鑿  
果無留續是昨出直片言  
立剖若河決下流而東注  
若駟馬駕輕車就熟路而  
至良造父為之先後也苟  
非其才足肆應學能致用  
烏能勝任愉快如是哉夫

地方得一賢能守令為家  
難之戴君蒞天台甫兩載  
以總憲朱公之荐

行取入都邑人請將治畧  
付諸剗剗我知讀是書者  
始稱生公之汲引得人為  
天下蒼生頌德且以其去  
之速為台人士惜也

康熙辛丑陽月年家侍生  
傅澤淵頓首拜撰



郎川戴君余同年繡臣先生羣  
 從也先生以舊學出入承明之  
 廬君亦早掇科第學有原本余  
 以世好耳其名久矣前年來宰  
 天台天台去郡城未百里而近  
 山水奇秀甲於他邑而土瘠民

困俗尙未醇有略同者自君之  
至撫饑黎振積滯早夜孜孜不  
憚勞瘁其事之鉅者則剴切敷  
陳請于大吏下至閭閻日用纖  
悉之務知無不爲要以利濟民  
物爲念蓋君之精敏強力實有  
大過人者而皆本以憺怛誠意  
宜台人士樂而安焉若嬰兒之  
于慈父母也余自釋褐後初仕  
卽得浙新城令洊擢銓曹旋授  
今職故知治浙之深者莫如余  
大抵其風聲氣習緩之則廢弛


急之又憚於更始然及其歲月  
浹而上下孚亦還至而立有效  
者君勤于職業事事必諮度余  
而余亦喜君之發憤爲雄不以  
刀筆筐篋苟且塗飾畢乃事約  
計斯二年中利興弊革相得如  
左右手轉移風教之權實有厚  
望焉頃者君以循吏膺特薦  
**聖**天子加意人材嗣今密勿王事  
宣猷國家誠可爲得人慶而第  
以台民失此贊邑宰則余之私  
願其能無介然於中耶邑人於



張序  
其將行請鐸所爲天台治畧者  
夫古人考績報政有定期有成  
效維君根柢家學久知其非百  
里才矧復所居民樂所去民思  
從此崇起而恢弘之是集之成  
卽以爲書思拜獻之先資可矣

峇

康熙辛丑八月旣望年家世第  
鍾祥張聯元頓首拜撰



令之邑令即古百里侯服也任綦重  
 矣然肘掣於上官之束縛而氣折於  
 期會之考成故率皆因循苟且以俸  
 逃乎吏議而靡然不敢少有所作為  
 即張皇文告無過楮上虛詞於民生  
 何有於國計何有夫人幼而學壯而  
 欲行幸分百里之寄而秋毫無所建

明問心獨無疾乎我師伯舒菴戴  
公之宰吾台也甫下車即徧採輿論  
若宜與若宜革節次十二條以上聞  
於是窮日夕之力次第脩舉毋旁撓  
毋中怠有梗吾化者喋々焉三喻而  
五曉之其不悛則寘於法馴者懷德  
愷者畏威兩載於斯化臻更張善政  
指不可枚述大率權輿於十二條中  
之語而更推廣其所未及迄今誦其  
言其切中時弊則如越人之起死一  
病而一藥其皇々焉為民請命則如  
鮫人之下泣一淚而一珠知無不言  
言無不為々無不盡而公之大勲  
業於是乎見即公之大文章亦於

是乎見矣夫為政之難宜於善良不  
宜於豪猾而公毅然為之不遺餘  
力祇期上不負天子下不負所學而  
知我罪我總所不辭雖涖吾台日淺  
未及究其所用而治效彰之亦既如  
是貞品承流仰沫有激於中而不能  
自已爰偕台人士撮其梗概聚為一  
編而名之曰天台治畧豈惟紀錄銘  
勲為異時大行左券而隨試概效司  
牧之準繩備焉則而象之維鷄之歌  
何為而作也有斯民之責者其亦可  
以奮然興矣治年門姪張貞品頓首  
拜識

令之職於民最親一邑之利弊休戚  
惟令是問此非簿書期會苟簡從事  
可以告無罪也必本之以誠意先之  
以力行審民隱所緩急而次第布之  
然後治得其理而民賴以安余自束  
髮受書竊嘗有志於斯矣幼奉  
君子庭訓凡立身行已治人理物之

系成  
三  
平  
三  
三  
三  
三  
三  
三  
三  
三  
三

自序  
方稍得聞其梗概丙戌徼倖釋褐遂  
請自効于外職誠以縣令親民之官  
苟推誠而曲體之於物庶幾有濟也  
嗣後浪跡南北所至風俗美惡政教  
得失未嘗不盡心其間隨謁選得浙  
天台天台故浙東山邑土瘠而貧適  
當歲旱之後民生凋敝余甫至卽爲  
設法勸賑饑黎差定遂親覽邑之四  
郊欲周知治理先後則見夫城墉之  
傾圮也丁役之不均也雜派之重困  
也社倉義學之俱廢而把持告訐之  
風浸淫而成俗也有田者或連阡陌  
而隱漏無田者或女戶絕戶而輸稅  
也於是飲冰茹蘖知無不爲早夜以

思一切利弊之事約略得其綱要適  
遇 上憲虛公咨訊疾苦遂卽所見  
聞敷陳凡十二事咸蒙採納焉由是  
向所惰窳而未舉者稍稍得見施設  
惟清丈一事當務尤急余方履畝經  
界竭蹶垂成迺蒙 大臣特薦  
聖恩破格收錄而科條所陳尚未竟

厥緒也今年秋邑孝廉張子季題兄  
弟輒以余讞獄聽斷近古便民而文  
移中有關一邑重輕者非鈔版慮無  
以垂後請攬撫薈萃輯爲天台治略  
一書余念承乏二載雖有厲精求治  
之心曾無卓然可紀之績張皇補苴  
大懼弗稱厥職倘謂其邑宰於茲土

而不辭勞不避難不吐剛茹柔則是  
編所存亦恪恭朝夕之槩焉因以是  
應張子請并見余之惓惓台民者終  
負慙於夙志云時  
康熙六十年八月既望郎川戴兆佳  
書於武林邸舍

舒菴戴老先生以江左偉人來治台邑政赫然有聲迥絕流輩其  
待人則如光風霽月處已則如嶽峙淵停治劇理煩案無畱牘白  
下車以來無日不以民生休戚爲念刑清政肅歌謳載塗而先生  
愈歉然若不足余私心竊計先生以文士出膺民社而敏練精覈  
雖老於吏治者不能及賢者誠不可測余以輟材彈鋏侯門者二  
十餘年所過都邑輒紀其政績殆靡有如先生者先生固廊廟重  
器適於用者素矣今奉

欽召入都從邑人籲請以天台治畧付之剗劂屬余同韓子于豐  
編次夫以先生之經濟大畧從此忼慷建樹黼黻

盛朝則烹鮮之治特其嚆矢而事業之巍巍煌煌充滿宇宙者正



未有艾也特書其畧於簡末以誌相知之雅云歸安費漢昭秋霞氏拜撰

天台治畧目錄

卽川戴兆佳舒菴著

總憲朱高安

歸安費漢昭秋霞

兩夫子鑒定

參訂

中丞屠孝感

卽川韋承京于豈

倪國璉

沈成璉

受業

周徐彩

周祖浴

全編次

汪振甲

邵汝良

許飛鳳

男

篤慶 麟慶 縉慶

校字

卷之一 詳文

詳陳建立義倉積穀備荒等事

戰船賠累實甚等事 二則

額請轉詳勒石事

禁革軍糧重耗等事

詳請照舊征輸事

詳明兵米折價等事

嚴飭編造等事 四則

遵批斟酌田由等事

編審屆期等事

飭行查議開墾等事

飭議開墾等事

再飭力行保甲事

嚴飭脩築城垣事

學宮之廟貌等事

嚴催學租錢糧事

請憲革除行埠等事

請行平糶等事

請 旨事 二則

飭查廢寺田產事

欽奉 上諭事 二則

請嚴虧空等事

請嚴虧空之法等事

衿棍違禁等事

橫被燒詐等事

倚衿抗糧等事 二則

嚴交代之察核等事

請免捐派事

卷之二 詳文

額憲推廣 皇仁等事

再叩憲恩速飭募頂事 二則

額請恩准等事

額請改學等事

飭議稽查等事

飭行查議盜口仇扳等事

嚴飭征解事

請定承追處分等事

宮祠兩廢等事

詳明捐賑情由等事

懇恩查突等事

稟報事

借命抄搶事

殺命陷命等事 二則

確查開報陞科事

逆禁主減等事 三則

求生罹死等事

逆憲抗審等事

懇憲矜全等事

懇恩賜批等事

神靈混冒等事

淫棍活奪人妻事

血盆哭奏等事

遵批粘電事

泣奏佔冤等事

彙報亢旱等事 三則

號典弟命事

卷之三 獄語

騙拐賣良等事

佔逐滅祀事

掘塚毀坊等事

佃賣主田等事

異姓亂宗等事

棍劣串吞事

勢佔民業事

律謀律佔等事

佃佔主業等事

背父滅據等事

掘塚佔墓事

價業兩空事

背據佔掠等事

價倍糧賠等事

夥棍強掠事

業佔糧賠事

傲弟踞佔等事

控佔無討等事

勢佔民田事

覓佔陷糧事

負噬吞佔等事

強掠民食事

僧棍狡佔等事

叛佔血業等事

欺滅四至等事

欺佔奪食事

白佔祠產等事

冊號有據等事

恩全血食等事

橫被燒詐事

倚蠹謀佔等事

稟報地方事

契外佔吞事

田佔糧賠等事

夥棍強掠等事

業佔糧隔等事

夥棍扛佔等事

衿棍扛制等事

惡措屠寡等事

卑幼盜葬事

謀佔加添等事

淫棍汙寡事

婪秀圖佔等事

富劣強佔等事

悍兵克殺事

賣良為賤事

湯溪蠲冊關

飭遵事

嚴飭巡查以靖地方事

逆祖坑叔等事

勢豪橫佔事

生死慘冤事

活拆強佔事

電稔察究事

欺寡吞孤等事

叩叩事

倚衿謀佔事

駕稅捺糧等事

卷之四 告示

嚴飭堂規事

設立義學等事

會課事 二則

會課文武儒童事 三則

嚴飭新正夜巡事

曉諭俊秀一體送學等事

飭端士習以挽頽風事

再行勸勉以端士習事

嚴飭巡查以靖地方事

申嚴保甲防範奸宄事

再嚴私用小斗小升等事

酌賑被火窮民事

驅逐土娼事

嚴禁婦女入廟燒香事

再行嚴禁婦女入廟燒香事

查逐不法奸僧等事

曉諭遠近寺僧免點冬事

嚴禁奸棍違禁煎燒低假潮銀事

特行曉諭事

嚴禁市僧行使低假餅銀事

曉諭煎餅槩准完糧事

嚴禁錠匠橫惡嚼民事

嚴禁販米出禁事

脩造戰船已經詳免事

禁革軍糧重耗事

卷之五 告示



清查絕戶糧產以除錮弊事

編審屆期等事

禁革編審陋規等事

編審重務等事

曉諭產主速行赴局推收事

曉諭零星細戶俱准自行立戶完糧事

曉諭自首隱漏事

再行曉諭紳衿富室速行清丈事

勸諭監丈文書等事

曉諭事

再行曉諭照依自然界址歸填清丈事

嚴飭丈量責成等事

再行曉諭墾荒人戶等事

曉諭頒給清丈田由事

曉諭速行具領由單事

禁革加派考試供應事

嚴禁在官人役保歇訟犯事

開誠勸諭及時完糧事

曉諭速清完各年舊欠錢糧事

嚴催未完奏後錢糧事

勸諭急公完糧事

京餉急若燃眉等事

卷之六 告示

嚴禁賣休買休等事

場期伊邇等事

曉諭完糧花戶等事

曉諭禁革戶首事

苦口勸諭完糧事

嚴飭照單挨次滾催事

曉諭緩比事

曉諭蚕絲估價完糧事

曉諭減耗征收事

嚴禁富戶措找捐贖刁民告找告贖事

勸諭買產人戶等事

丁米已經分案通詳等事

捐貲建造義倉事

申嚴賭博等事

開誠曉諭賊窩自首免罪事

嚴禁輕生以全民命事

勸諭及時廣種二麥事

勸諭富室封印後緩取租債事

勸諭富室歲暮善取租債事

嚴禁棍蠹結黨害民事

卷之七 告示

示諭放告日期事

嚴飭代書事

嚴禁刁訟以安民生事

曉諭詞訟稟給原告自拘事

申嚴招搖撞歲等事

遵例曉諭停訟事

曉諭歲終註銷案件事

嚴飭吏書事

再行嚴飭吏書事

嚴禁奸徒假冒窮民賺糶倉穀事

曉諭事

曉諭保長同該地饑民互相識認以杜冒領事

開誠布公等事

奉委監賑特行曉諭事

佈告貧生事

倡首捐資等事

曉諭行鋪事

曉諭饑民事

臨別叮嚀事

現在設法勸捐等事

歲值賓興等事

再行曉諭納戶等事

卷之八 啟

賀總督元旦啟

上撫憲朱請墾臺課士錄序并送張齊二生入敷文書

院啟

迎撫院屠大啟

賀學院馬大小啟

賀黃巖林鎮臺年節啟

賀黃巖林鎮臺午節啟

賀台協蔡鎮臺午節啟

賀黃巖鎮林冬至大小啟

賀藩憲傅新任啟

請鹽驛道裴督賑啟

文鄉試請啟

武鄉試請啟

送會試啟

迎新任高同寅啟

卷之九 雜著

兩院條陳摺稿

科場條議

社倉記

經界圖說

到任告城隍文

飲冰堂記

丈量告城隍文

陞任辭城隍文

親催紳衿完糧說

催取紳衿供給城工引

勸紳衿捐粟賑濟引

勸比丘出粟賑濟引

祭枯骨文

去思碑記 附刻

卷之十 呈批

叩鳴杜累事

祀稅認澆等事

華頂僧放火干連求訟事

盜砍斃命事

逆禁造謗事

婪穴謀佔事

瞞危昧死事

叩天電情事

叩頂明業等事

懇恩鼎詳事

懇恩追價等事

胞兄可誑等事

賣良為賤等事

勢豪佔吞事

叩憲批照事

飭批恩救等事

懇賜禁捕等事

遵批回覆事

懇恩循例等事

遵批回覆事

兄弟久訟事

姪奪伯產等事

苦衷天鑒等事

懇批全祀等事

勅查故放事

抗斷不遷事

公正不公事

迅劈併訊事

貧極無奈事

忤逆出母等事

掘溝致火等事

懇恩着追拐婢事

懇免到案事

稟明事

呈明剪誑等事

叩追完糧事

絞謀劈陷等事

遵批聲明事

欺駕捏報等事

公舉貞節事

叩明存案事

情理兩無等事

殺叔抄捨事

婪謀強佔等事

胡紹侯具

疊剝棲房等事

僧秀峰具

徐枚具

免頑殺潑等事

姜一相具

拂姦毒毆等事

捐基造倉事

身死不明等事

徐凱等具

豪橫強佔等事

遵批回覆事

背據屠僧等事

恩全圖活等事

陸以盛具

遵諭瀝情叩鳴事

姦淫謀奪等事

杜訟套批等事



仇澆抄毆等事

負噬利害等事

楊之億具

補遺

季考策題

目錄終

痼音通痛也

痼音剛書康浩恫  
一乃身敬敬傳痼痼

痼痼也  
札大死為一

一件詳陳建立義倉積穀備荒等事

竊照親民之官以教養為先務然欲有以教之必先有以養之衣食足而後禮義生若饑寒切于肌膚欲其毋為奸邪不可得也此課農桑教稼穡養之道尤先于教之法而養之于樂歲者更須養之于凶年是備荒之策不可不亟講也目今欣逢 憲臺胞與為懷地方一有災疇即繪疏入告請賑請蠲我

皇上痼痼念切不惜數百萬金錢允蠲允賑德洋恩溥物靡不得其所微末小臣何必復為置喙但思倉廩實而民不夭札故堯有九年之水湯有七年之旱而國無捐瘠者以畜積多而

飭耻力切謹白又勤也  
歎苦點切謙上声殺渠  
傳二殺不升曰一又食  
不飽也

備先具也查備荒之策宋乾道四年民艱于食文公朱夫子  
請于府得常平米六百石賑貧夏貸米于倉冬加息以償歲  
歎蠲息之半大歎則盡蠲之凡十有六年除還府米六百石  
外餘息米三千一百石設為社倉不復收息每石止耗米三  
升一鄉四十五里凶年人不缺食若臧文仲之取食省用秦  
穆公之輸粟雍絳汲長孺之矯詔發粟皆一時權宜之計而  
非經久之模即周禮所載荒政十二事總不如設立社倉為  
盡善而盡美近奉 憲飭編查保甲文內兼及義倉是即朱  
子社倉之遺意法良意美甚盛舉也天台連歲不登民困已  
極去夏又遇旱災鳩鵲成群哀鴻載道卑職目擊情形一面

詳請減價平糶倉穀一面勸諭紳衿士庶捐穀賑濟具詳  
咨憲分別多寡給匾榮旌今祈捐米穀除賑過外尚剩穀三  
百四十石卑職現在捐資建造義倉四處一設平頭潭一設  
坦頭一設花桃一設石版路俟秋收後每倉卑職再捐穀一  
百石同目下賑剩之穀一總分貯在倉俟來年照依朱夫子  
社倉之法夏則貸之冬則收之擇殷實之紳士董其事分其  
任於收放時核算本利穀共若干石造冊送縣卑職考其實  
總其成依時親赴各倉查視并令附近義倉之居民互相覺  
察不使一切吏胥經手以免侵漁中飽之弊惟是卑職之蚊  
肩有限現今之穀石無多歲時豐歉聽乎天未雨綢繆在于

靈謨皆切音埋凡而雨  
土曰一  
婦而豈切微動貞  
賜音叙日無光說文  
日復雲暫見也  
勅如手切衰助一  
急遠貞

人必藉人力之有餘庶以補天行之不足况天台田在山麓  
涿水自高一瀉千頃滂之為災也疾西高東下溪如建瓴十  
日不雨流竭沙涸旱之為災也易蕪之界在重山朝嵐夕瘴  
陰霾溽暑蒸變蠕動蟲之為災也多且也僻處山陬販米  
之商不至道路叢雜伏莽之徒樂趨荒不決月即糧食絕民  
力憊而盜風起矣此義倉須建捐穀須多較之他邑尤為喫  
緊然穀之捐與不捐又視乎民力之能與不能歲時之可與  
不可今歲寒暑不侵雨暘時若高低田畝大有感歌正樂歲  
遺秉滯穗之時也卑職乘時建倉首先捐穀四百石所望本  
邑紳衿民戶共勦盛事量力捐輸所謂一勞永逸無煩歲

倉黃盡人事以待天心即遇凶年不至束手待斃要之此舉  
貧富皆有利益富者勿云舍己以從人當念成物即成己貧  
者幸際豐年今日以受之天者姑以存之公他日仍以存之  
公者返而歸之己管子有言曰民以食為天而賈生又以積  
貯為天下之大命誠為確論義倉建矣積穀充矣將見旱澇  
蟲災俱不足慮由是而講明禮讓使家敦孝悌戶習絃歌養  
以先之教以繼之救民生之凋敝挽習俗之澆漓昏于義倉  
寓之矣不特台民一時之利實為世之利然而常人之情  
樂于觀成而難以圖始義倉之建歷來官斯土者並未議及  
實屬卑職創行擬合詳請 憲臺鴻裁碩畫指示機宜俾得

竭盡駑駘遵循勿失獲收成效不徒託諸空言勿類道旁築  
舍百姓幸甚卑職幸甚

一件戰船賠累實甚窮負困苦難堪瀝陳顛末願恩垂  
隆事

隆事

竊照普天之下莫非王土率土之濱莫非王臣既為民牧凡  
遇王事自宜靖共爾位踴躍赴公何敢趨易而避難致負  
王恩有辜 憲德然而職司守土其於一切公務有分所當為  
與不當為者有力所能為與不能為者正未可偏枯獨累也  
今卑職承乏天台蒞任以來諮訪官民利弊查有派委修造  
戰舡之苦賠費累百盈千不勝惶悚夫戰舡一項原為保障  
海疆衛護商漁舡隻而設查台江水道至郡城南門而止由  
郡而北達于天邑則一線沙溪礮礮險激百有餘里絕無舟

詳文

楫可通歷來止防山寇竊發不慮海賊憑陵且僻處萬山之  
中地瘠民貧土產絕少錢糧僅止一萬有奇官斯土者左支  
右絀苦不可言非如平湖海鹽海寧蕭山、陰會稽上虞餘  
姚各大縣俱環迴大海商漁鱗集者可比使卑職地方果有  
尺寸貼近海隅果有海賊乘潮突犯果有商漁舡隻出入奉  
派修造猶云分所宜然也使卑職地方如果人民殷富如果  
貨財廣殖如果錢糧衆多奉派修造猶云力所能為也而天  
台無一於此且杉木則購之閩省樟松雜木則買之溫郡梯  
山航海負載而來需用夫役實繁有徒雖按名按日給發工  
價然小民止此一身難以分身未免顧此失彼勢必有妨農

工非惟累官實又累民且舡廠設在黃岩遠隔二百餘里之  
外天台雖云小縣有征糧斫獄弭盜緝逃料理地方事務不  
能親往監督又必另行差委而所差所委之人安保無浮冒  
侵漁之弊乎迨至剜肉補瘡吮膏吸髓甫得修造完工將舡  
交付又遭收舡之營弁分外誅求管舡之捕盜百般勒索心  
滿意足方肯收受出結其間之受氣受累更難言盡近蒙  
各憲墜原苦情議抽俸工津貼然舡工實數部價止五分之  
一津貼亦五分之一其不敷尚有五分之三此五分之三皆  
由天邑崇山峻嶺不通舟楫道途往返額外多僱工役以及  
勒索冒銷之所致是修造戰舡之賠累在各邑固已苦而天

台為尤苦但此乃相沿錮害何敢遽為置喙冒瀆 憲聰惟是卑職以至愚至陋之材任此最窮最苦之地無一事不深仰屋之思無一時不凜冰淵之惧將來此項賠累欲出之官則公解蕭然點金之術欲取之民則 功令森嚴民岩可畏轉輾圖維敢為未雨綢繆之計與其筋枯力竭而仍有身家性命之憂何如呼籲 憲臺早定一免派之策且與其山陬窮吏累既深而致登白簡終費 各憲清心何如援例轉移使苦樂維均永免偏枯之累卑職妄抒管見哀籲 憲臺欲加增價值不敢也欲通省均攤不敢也查康熙五十二年十一月兵部為敬陳防海等事議御史陳 條奏一欵戰船蓬

索每歲于朋扣餘剩銀內照定價給銀一次責令該營自行堅固修換在案今天邑派委修造戰船應請比照戰船修換蓬索之例亦令該營領銀自行修造則就近設廠營員在地得以親身料理可免浮冒侵漁之費兵丁水手既食糧餉即着令搬運物料可免催覓人夫之費閩溫兩處購買木植一葦即航可免道途工役之費况查從前戰船縣官一經派定營員即來包造包修舊案可考是營員既可向縣官包攬修造獨不可竟令其自領修造乎再查驛站船隻向例州縣修造今亦歸與驛道不派州縣是營船營修實至當不易之論不過一轉移間窮員永無賠累武職不致虛糜公務仍然無

天台志卷之十一  
誤此舉誠為上策即或不得已而思其次請將天台派委修造之戰船改歸迴環大海商漁鱗集之大縣承修承造亦事出至公無可推諉恭惟 憲臺胞與為懷痾瘵念切刻為下吏計安全事使小民登衽席今天台戰舡一項總叩 憲臺俯念山城苦邑不特分不宜派抑且力不能派大施天地父母之心准賜原免使卑職將來得免覆餗獲保身家開屬員再生之恩造瘠土無疆之福真拔山超海負德難伸垂露懸針書恩不盡矣

前事

備查戰舡一項停其交與州縣官承辦修造揀選賢能道府就近堅固監修此康熙三十九年經臺臣紀 條奏奉

旨准行之定例也卑職于康熙五十八年七月蒞任後以戰船賠累實甚等事通詳 各憲奉 督憲鈞批戰舡承修辦料責成知府久經批飭有案仰布政司轉飭遵照此又現奉 督

憲批示之明文也官免賠累民無派擾久經出示曉諭靡不以手加額共慶安全今奉 憲檄轉奉 藩 二憲詳奉 撫

憲鈞批復飭卑職採辦修造仁字二號八號戰舡二隻又勇字三號戰舡半隻各項物料務令齊全足用聽候查點敢不凜遵惟是卑邑僻處萬山之中不通舟楫高岡峻嶺離廠寫遠搬運維艱兼之地土磽瘠並無樟杉大木可充戰舡物料

者若欲取必于一時齊備于本地萬不能豈不坐悞舡工  
在卑職之處分固不足惜其如有碍 各憲之考成何即迫  
于 憲令萬不得已于深山窮谷之中四處搜求購買卑職  
一人不能分身肆應也勢必委之衙役又或幸而偶得一二  
材料矣卑職一身不能自為扛抬也勢必催募民夫天台胥  
役最窮最黠又且最頑稍有蠅頭死且不顧保無借端強勒  
派取擾害之弊乎竊恐奉行不善山陬村落靡然騷動矣雖  
有嚴刑峻法懸以恐之不使其或犯然而奉公守法者能有  
幾人比及事發不過若輩徒膏竹杖桁楊已無補于百姓之  
受累受苦其為怨恫實多是 憲令固當遵而民瘼亦大可  
憫伏叩 憲臺俯念卑邑既無土產戰舡物料又不附近戰  
舡工廠蒙飭辦料解料力實不能惟望恩賜鑒原鈞照定例  
准免佩德銘仁靡有既矣



一件籲請轉詳勒石永除修造戰舡之苦累恩徧三台  
功垂萬世事

竊照天台四面皆山地土磽瘠民難樂業素稱苦累者有儲  
米鹽引人丁數項而其最甚者則莫如修造戰舡夫修造戰  
舡在官有官之苦在民有民之苦然官之苦有限而民之苦  
無窮蓋官之苦賠累焉已耳若監工料理差委得人不浮冒  
侵漁不勾通混弊諸事奉公除部價津貼外賠累亦自無多  
其或至於累百盈千者皆差委之不得其人也若夫民之苦  
則有難以悉數者各行各鋪各夫各匠無一項不擾累竹木  
釘鐵灰石油蔴棕箬紬布什物無一件不科派至於封取樟

松等樹經差謀票到手不論道里遠近無分地方干碍悉刮  
皮標記有錢者則賄脫無錢者則砍伐指稱軍工緊急役使  
民夫動以百計派出口糧鳴鑼吶喊崇山峻嶺不顧死活踰  
越扛抬日行里許所過之處壞人房屋損人坟墓敗人苗稼  
害不勝言及至所押所解之夫匠物料經差沿途任意賄放  
變賣到廠者十止二三因而夫匠拘而又拘物料取而又取  
究竟舡工難免遲悞屢遭營弁之誅求捕盜之勒索官又任  
受無詞此奉派修造戰舡實天台第一大害今年幸蒙 憲  
臺洞悉民瘼恩賜豁免合邑無不以手加額共慶安全誠哉  
一路福星允矣萬家生佛也惟是 憲臺斗山重望帝眷方

隆指日榮陞鼎輔竊恐將來仍復坐派亦未可定今據士民  
公叩轉詳勒石以垂不朽理合據情詳明伏叩鈞批存案使  
小民永除派累之苦根常享安寧之福澤則 憲臺巍功  
績自銘鐘鼎而誌旂常而天民之佩德感恩當與華頂桃源  
俱永矣

一件禁革軍糧重耗之積弊懇 憲批飭存案除民累  
而昭法守事

竊惟 朝廷立法首在愛民而臣子矢忠尤先自潔一經筮  
仕便當以地方為己任若事屬累民無論大小急宜禁革未  
可云相沿成例亦遂因以為利也即如地丁錢糧官設櫃征  
收民自封投櫃法已善矣又蒙 憲臺加意民瘼嚴禁重耗  
每兩不得過六分總欲使小民省一分之閒費得完一分之  
正供多留一點之脂膏則各項錢糧自當畫一不宜異同奈  
天邑有海門衛軍田二十七頃六十四畝七分零每畝征銀  
一錢四分一厘七毫零該銀三百九十一兩八錢一分零不

歸地丁總書經管另僉經承即有繳官公費因而竟不設櫃公然在家執戥稱收積日彙繳官得火耗加一夫官既得加一役豈不指名重勒乎所以每至于加一五六甚或有至加二者查天台之田有官有民而軍田額徵之數不但重于民田抑且重于官田今又加以無執之重耗嗟此小民其何以堪自是而拖欠不免矣自是而督催不前矣自是而經胥交相侵蝕矣法既不行于民且不行于役矣不知此備作自何人而駁之爲例以至于今也卑職到任後一聞此弊不勝駭愕隨將一應公費革除軍糧歸併地丁總書經管設櫃征收全大糧一體加耗完納禁革重耗已經出示徧行曉諭在案在卑職衾影自矢不敢蹈鮮終之咎但未奉 憲章以數年之後奸胥舞弊保無有仍踵前轍者伏乞 憲臺准賜鈞批存案以垂永久則民累除而官方肅弊絕法申豈小補哉

一件詳請照舊征輸等事

備查台邑萬山層疊架石作田因方為珪遇圓成壁尺二寸寸累黍積基土瘠砂多本來產米絕少兼之懸崖峭壁舟楫不通販米之商勿至所以全書原額止有軍儲之銀並無軍儲之米自康熙二年於一件酌議改征等事案內題准軍儲銀二千八百七十七兩七錢六分零一兩一石改征軍儲米二千八百七十七石七斗六升零每年除解寧台等協兵米一千八百餘石外解赴省倉兵米約一千餘石後以土產之米寔無多而且山路崎嶇輓輸費力仍議改解折色然議折雖定而價不定不肖有司奸惡胥蠹營私圖利動稱解費

為名為之伸縮其間高下其手開征議價每石或一兩三四錢或一兩五六錢甚或有一兩七八錢者歷任交盤米冊具在可考嗟此窮黎其何以堪幸蒙前 藩憲段 詳定一兩五分一石若照此減價征收原可不致累民祇緣分項開征另僉經承經營另有差役行催相沿日久雖完銀完米總屬百姓分內應完之正項但不征米而征銀地丁未楚米銀又催愚民無知竟認為額外之科歛徃 觀望無完在官不免書空之嘆致軍糈未能依期批解在兵寔有庚癸之呼又不得不多方那墊以應之是民也兵也官也三者交困寔深今據紳衿士庶公籲轉詳將軍儲米額照舊歸入一條編一兩

一石征收等情前來卑職因思米價低昂不常征收碍難畫一若欲改新從舊恐米貴征少則不便於官矣不便於官不可行也然欲從重棄輕恐米賤征多又不便於民矣不便於民更不可行也就中調劑與其累民莫若便民卑職謬忝管見請軍儲一項仍照康熙二年以前之例併入一條編內每石征銀一兩統征分解自康熙六十年為始永為遵守不必歲有游移止請將卑邑年常撥解省倉兵米一千餘石改撥產米衆多之御舟車易運之縣而卑邑額載二千八百七十七石有奇之儲米儘數撥給就近台寧二協兵米蓋同一兵米也不撥解省而撥給營則隨時可買隨地可給寔易為力

即遇天災米貴之年亦出於僅見之事彼此見諒通融諒無  
掣肘况歸入條編又有六分耗羨可充兩營用費并備不虞  
官亦不甚受累一轉移間官民兩便其為利益弘多用敢據  
情冒昧詳請 憲臺俯順輿情曲允所請將見窮簷蔀屋永  
沾甘雨和風白叟黃童共樂堯天舜日矣緣事關軍儲事理  
擬合通詳統候 憲臺鴻裁核示遵行

一件詳明兵米折價等事

備查兵米一項雖有徵解本色折色之殊其有關於軍國民  
生則一除徵解本色之各縣無論矣若徵解折色之金台二  
府屬及富諸二縣從前每以解費為名徵收米價任意加增  
苦累百姓康熙五十一年間 前撫憲王批定每石徵解司  
銀一兩二錢代為買米交倉至五十八年奉 前藩憲段於  
一兩二錢之內復詳減一錢五分詎縣屬不法蠹胥仍以解  
費為名每石徵銀一兩四五錢一兩六七錢一兩八九錢不  
等甚有二兩以外者即據卑邑而論前任亦徵至一兩五六  
錢一石即令交盤米冊現在可據卑職目擊百姓困苦情形

隨於康熙五十九年十月間據士民朱浚等所請一兩一石  
歸入條編統徵分解以詳請照舊徵輸等事通詳 各憲批  
行查議奉 藩憲議詳一兩五分一石設櫃編徵照舊撥解  
奉 陞任撫憲朱 督憲滿 批飭通行今卑邑業經一兩  
零五分一石歸入地丁徵收出示曉諭恪遵在案今奉前因  
查天台額徵軍儲米二千八百七十七石七斗六升零每年  
除撥給寧台二協兵米約一千八百餘石歷係一兩一石折  
價給領外惟是省倉滿營兵米約撥一千七十餘石折銀解  
司代為買米交倉有脚價有折耗一兩五分一石原屬不敷  
若自行赴省買米交倉無論所差所委之人難免侵蝕浮冒  
之患且安保其不指稱交米使費名色而任意開銷乎將來  
勢必陽奉陰違額外多徵致滋民累嗣後解省兵米應請比  
照糧儲道憲本折月糧一兩二錢一石之例亦定價一兩二  
錢一石解司照舊代為買米交倉恩免自行赴省買米其銀  
同大糧一樣批解投收在徵諸民者雖止一兩五分然歸地  
丁編徵已有六分耗羨再加折給寧台營米一兩一石又多  
出五分是以營米價銀之有餘而補省米價銀之不足價相  
值而適均一轉移間上下俱無添補賠累百姓亦免重價追  
徵軍國民生寔有裨益卑職通盤打筭似屬永遠可行至寧  
台二協之兵米折價一兩一石久為成規米貴不增米賤不



減並無游移伸縮緣奉行確議事理卑職管見如斯是否有  
當伏祈 憲臺鴻裁核轉再儲米一石徵銀一两五分歸入  
條編統徵分解闔縣士民現在額請勒石以垂永久令併聲  
明

一件嚴飭編造以杜混淆事

備查十年編審民生之休戚繫焉國課之盈虧屬焉所關匪  
細要必慎重精詳剔釐奸弊始上不負

朝廷不負 上憲而下不負百姓今值辛丑例屆大造先奉 憲

行飭議弊之所在作何釐剔如何舉行有裨民生并荒絕冊

糧作何籌補今又奉 藩司轉奉 憲臺嚴飭編造田畝以

杜混淆捧讀 憲示法良意美甚盛舉也奈卑邑田賦混淆

已極非徹底丈勘清查無以除錮弊而甦民累查天台向有

苗頭一項俱係衿監蠹役充當不但每年征糧冊籍由其開

造即每屆編審一切買賣推收立戶編苗等事無不出其掌

握雖有書手算手諸人俱拱手聽命莫與之抗在縣官亦徂於成習畏難苟安並不一過而問焉由是任其移址換段任其減瞞糧額任其洒派飛裝詭名詭姓或一人而更換數名或一戶而拍分數都數甲瞞天舞弊不明不白定冊而呈諸縣亦依樣葫蘆不問不查造冊而申諸府轉申諸司種之弊累遂成牢不可拔之勢矣推其故皆由於各都各畝並無魚鱗流水號段細冊其所謂榜冊填冊者盡屬故明萬曆年間遺下老戶老冊人經幾代事隔兩朝儘有田產已更數主而冊上猶是明朝之老戶平時收稅完糧不過開寫某都某畝某人戶下田若干收入某都某畝某人戶下辦納字樣便為了事究竟問其此田冊載何圩是何號段茫無頭緒所以往往趙甲賣田而收錢乙之糧此其為弊者一既無魚鱗流水號段細冊因而遂無寔征完糧花戶清冊止憑畝頭所造之冊按數追比名曰堂簿天台絕戶衆多所遺之產不歸於宗族不歸於官府而歸於畝頭畝頭賣絕戶之產而推己戶之糧久而久之絕戶之產已盡絕戶之糧尚存于是復飛螿絕戶之踈遠宗親硬開堂簿逼勒完糧此為弊者又其一且也天台風俗一父而生數子無論貧富必留祀田其田則輪管其糧有公共輪完者有拍分各完者有分完者有畝頭遞年多駕之累輪完者有弟兄盜賣糧存之苦又不特此也天台

抗頑成習買賣竟不推收買者貪省耗羨而私付賣者貪圖  
拖用而私收年復一年習焉不覺一旦賣主身故妻嫁子幼  
不知從前交易情由往々產去糧存此為弊者又其一况  
乎豪強兼併專務詭寄隱漏經胥狼狽為奸地棍勾通執法  
富而強者有產而無糧貧而弱者有糧而無產甚至赤手光  
丁每年開分糧額有三四錢五六錢八九錢一兩外者數十  
年來富者富而貧者盡矣強者強而弱者亡矣追呼箠楚之  
下妻離子散蕭々四壁風雨淒其囚首圜牆待斃其慘  
苦情形有不可以一言盡者今自上年七月二十日蒞任後  
每日老稚扶攜孳孤接踵具呈環稟不曰飛駕皇糧即曰丟  
非此為飛駕之弊復有一種不入首領字籠之真正頑戶私  
下亦包攬幾戶串通首領狼狽為奸兩人扭作一人如趙錢  
甲孫李乙之類錢糧積累不完及至水落石出反指完者為  
欠々者為完當官則指東話西滿口支吾私下則拴縛妻孥  
攫取什物逼勒重完此為朋名之弊天台三十六都坊每都  
南北東西分為四塊其冊名為填冊盡是故明萬曆年間遺  
下雖隔兩朝冊上花名猶然不改不法奸徒勾連衿棍將田  
地裝運儒書復幻出無數鬼名巧作替身之術差役無處拘  
追年終竟不開納及至受寄者身死糧滯本戶子孫受累此  
為詭寄詭名之弊賦從田出一孔一針普天同例而天台田

產有官田有民田有屯田官田糧重于民屯田又重于官故  
有以官作民有以屯作官民者而且又有買主矚急措買以  
一畝而縮填七八分則此縮填之稅丟滯賣戶矣有賣主逞  
刁誑賣以一畝而漲填畝餘則此漲填之稅駕入買戶矣訟  
端蜂起業牘星繁此為換稅畔稅之弊外此則奸狡之徒買  
產而丟糧豪強之子有產而漏糧富者強者田連阡陌而無  
糧貧者弱者立錐無地而多糧其困苦情形已悉前詳不敢  
再贅今卑職安思力挽頽風急圖清丈查明號段使田無隱  
漏編造寔征使糧無飛詭永革苗頭百弊不生為天台拔除  
銅累與民更始然而清丈誠難言之矣使行之而不得其法

其弊亦百出而不窮地棍胥役或狼狽為奸借端科派或不  
遵舊制伸縮弓口或受財賣法任意減增或換段移址恣行  
脫漏富與強仍肆欺隱之謀貧與弱反多額外之科非惟無  
益而又害之矣誠有如 撫憲鈞批奉行不善反致滋擾耳  
卑職早已計及于此謬為酌定清丈條約十二事出示曉諭  
在案今奉飭確議敢為 憲臺臚列陳之

一開丈時所用弓筭書手奔走人役每日必需給發飯食但為  
日既久人數又多並冊籍紙張其費不貲必有慮及于科派  
者然卑職准任以來業已載餘恭逢 各憲鐵面冰心一塵  
不染上行下效大法小蕪卑職仰承德意此番清丈各項費

天台治界 卷之一  
用俱係自行捐給現銀着令党總領辦供應並不派取民間  
一絲一粟如有不法棍徒借端科派擾害除立拿重處外仍  
解 憲究懲

一天台有田地山塘湖潭魚櫃磯七項其田有官民屯三項之  
別而屯田又有民人帶種海門衛歸併兩項之分各有額徵  
科則多寡不一若不逐一分晰則額征銀米無從科筭今俱  
着遵照全書悉仍舊名其軍屯田畝向來止畫圖形不積弓  
步今一體註明以防影射至各業主止許一人一名不許將  
別號排行等名混開稽亂違者查出必究  
一清丈不必各都各箇分頭四出以致散漫無稽只須統計弓

筭書手以及襄事紳衿奔走人役共有若干齊聚一處丈明  
一都又丈一都循序而進庶耳目衆則稽察易稽察易則作  
弊難卽有欲行其私者亦無從下手矣

一都內之田繡壤相錯犬牙相制最易眩目遺落未丈時預令  
區總先將繩索方圓圈定經界每一圈內分撥弓手書手筭  
手逐坵丈明各畫圖形註明號數弓口畝分四至庶無滲漏  
仍每圈開一總單計共若干坵若干畝填明承筭書手姓名  
限定一日具單一報其丈過之田每號插一竹簽每十號插  
一總簽每百號加一高濶竹簽其總簽之上俱填明號數以  
便稽查自一號以至千號魚鱗櫛比挨次順編毋許參差如

有朦朧隱漏許諸人首告挈究其田即行充賞

一區總弓手書筭手俱係紳衿總保公舉當堂點驗充當其秉公矢慎者固不乏人而作奸犯科者諒復不少然非必盡出於受賕詭法之謂也親族友朋何人蔑有轉輾相托彼此通同容隱亦事之所必有者遴委誠寔紳衿耆老共矢精白大破情面不避嫌怨分司稽察如區總弓筭人等一有情弊不時密稟嚴究徇庇扶同一體治罪

一田疇之形狀繁多曠野平原推步尚易山林谿澗較量殊難小民何知惟聽弓索手之命名而已取徑取廣之際最易高下其手務使審度田形細丈核筭權衡于凹凸之間較量于尖圓之處不盈不虧其有原係是田今或造坟或造屋者仍作田丈至于一湖一塘而有數人承分者即于畫圖單內註明某承管若干以便稽查

一丈量步弓奉有 憲頒舊式今照樣置備每都給發八把短長如一分毫不爽編字號印烙領用不許擅自增減違者重懲

一三十六都各該黨總于未經官丈之前先于各都分界處所立一高脚界牌使此疆彼界一望井然再督令各業主自畫田地圖形隨插一竹牌大書此坵計田若干業主某人佃戶某人稅存某都某甲與某為界如係祀田即寫某姓祀田

字樣聽候官丈照牌查明填單更為清楚其荒田仍註明有主無主以便斟酌招徠開墾

一天台惡俗盜賣頗多有一田兩售甚有至于三四售者非機乘初賣轉騙他家即田仍已種任意疊售抱祖曲益又或土豪富室婪田湊錦明知業落他人故出重價甜誘原主倒題年月執契取租彼業我管彼種我收諸如此類不一而足今丈有兩賣三賣之田書手于田圖內仍註原賣主姓名令各買主賣契赴縣具稟聽候訊斷歸管其未經印收之產亦仍註原賣主姓名驗契推收以杜爭端

一隱漏田地准其自首蓋民間產業世守者有之續置者有之田多之家自必分散于各甲各都儘有平日止知向佃收租不識坵段何形四至何所其中廣狹盈縮有無隱漏無從而知所以預令業主先自查明坵段畝數如有溢于糧冊許其于未丈之前自首免罪即于自首之年起科並不追究已往一闔邑地方廣濶官不能親身履畝遍丈即使力果優為勢必曠日持久反致弊混應着區總將清丈弓口號段于未造清冊之前先造魚鱗圖號草冊送縣查閱聽候單騎逐都抽丈勘出或多或少等弊大法究懲

一天台經界混淆已極趙甲之田而錢乙完糧比之皆是文明之後如有以從前積年代賠訐告者概不准理其丈出之田

及自首者除歸補虛糧並荒田外再有盈餘照開墾例詳  
憲按畝科征每都備造魚鱗圖冊註明四至業主姓名每一都  
為一冊存庫備查其故明老冊盡行銷燬以拔弊根以上各  
條約不過言其大槩如果一一率由亦不無小補然常人之  
情樂于觀成而難于創始隱漏之戶尤便于仍舊而憚于更  
新一聞通詳清丈未始不疑畏相乘疑者疑夫事關閩縣難  
以清丈豈知此舉不過因有隱漏寔糧窮民賒累虛稅故為  
清查俾東坍西漲將盈補縮原無扞格畏者畏夫費用浩繁  
地方紛擾豈知夙弊頓清一勞永逸卑職願捐有限之資永  
杜無窮之害絕無紛擾出示之後人情帖然不特四鄉編氓  
聞風興起皆欣之色喜引領而觀清丈之成即紳衿耆老咸  
草面草心樂以後事起踰恐後事在必行但卑職一人之才  
識有限是否有當伏叩 憲臺鴻裁碩畫核定轉詳則 憲  
臺之功德在百世而不在一時也

前事

備查天台田賦混淆通詳清丈謬陳條約十二事奉 憲臺  
指示確議仰見慎重周詳至意夫清丈田畝關係國計民生  
不可不慎前卑職具領 司庫所貯天邑魚鱗號冊到縣查  
對雜亂紛紜茫無頭緒因轉輾躊躇欲求端本澄源之法非  
先定經界不可但自井田廢而阡陌行經界之不正也久矣



然而有溝洫有道路有山水山則有畧有限水則有溪有澗  
此天地自然之經界到處有之今卑職相度各都地勢照依  
自然經界隨其大小分繪圖形每一圖註明大四至編定總  
字號派撥丈手算手逐坵櫛比查丈每圖號數各自為起止  
編定每號開明四至繪具圖形而又慮春花漸長雜逕往來  
不無妨碍曉諭徑廣不用弓量用繩經緯其繩用弓先行量  
定一弓釘一鵝毛十弓繳一總結其繩以五十弓為率遇有  
二麥茂密之處兩頭將繩一扯弓步若干即便分明甚為簡  
易則有是圖而田形坵畝雖極參差不出此範圍矣有是圖  
而魚鱗編號起止可以分明矣有是圖而歸總分畝條理可  
以不紊矣且也派圖分丈可以刻期告竣又不碍農時矣目  
今圖已繪成一都有一都之總圖總號一圖有一圖之細圖  
細號坵上有業主戶有的各將來按籍而稽一日了然瞭  
如指掌第田地之形狀不一下丈之法不可不知復刊刻丈  
田圖式通發里民家喻戶曉使知取徑取廣折筭之法人人  
能大能筭互相覺察不受丈手之伸縮筭手之弊混除近處  
都邑卑職逐一確勘抽丈外其窮鄉遠地亦必親自督丈仰  
藉憲威自可奉行畫一不致藏奸若夫任事諸人絕不用  
一在官胥役止擇殷寔矜耆董其事分其任取具不致扶同  
欺隱甘結存查蓋彼身家念重自無作奸欺妄之虞都總丈

手箕手即令衿耆公議保舉當堂驗看衆論僉可然後黠充  
至于一切効力人役酌定每人每日給蔬食二餐酒半觔卑  
職已每都捐銀一十兩穀五十石分給丈箕人等自行具領  
不假手于黨總業經分圖查丈衆擎易舉諒來為日無多且  
各自分頭料理人手雖衆散而不聚無虞滋擾費用亦甚有  
限即或不敷自當再為捐給務俾足用不使功虧一簣也惟  
是天邑隱漏成風民情刁譎不得不懸首告克賞之條以恐  
之然立法在嚴而用法在寬凡有隱漏事發卑職俱宣揚  
憲德止着文明完糧並不追究或有原田今地原地今田者  
亦照現今是田是地歸戶起科俱經出示曉諭所以向之棄  
富思起而阻撓者今且油々然引領而望清丈之成此皆  
憲臺之德化有以感之也今奉前因理合備悉詳明並將繪  
定各圖先行呈送查核此係卑職妄據一得之愚無當高明  
其應作何區置種々良法美意統候鴻裁核示遵行再奉飭  
數人承分之湖塘作何畫界編造之處查湖塘迺係水面蓄  
水公共溉田止可僦佃畫圖編號註明各人承分若干字樣  
無可畫界分編再所編各圖字號取書經內有閑民事者採  
輯成文不以詞害志而已合併聲明抑卑職更有請者天台  
田地往々一業兩賣甚至三賣四賣者彼此爭奪訐訟無休  
應于清丈後每坵用一由單繪明田圖開具弓口四至號段

與鱗冊相符上蓋縣印分給各業主領歸收執以貽子孫日後倘有售賣總以由單田圖為準粘在賣契之後驗明投稅有田圖方買無田圖不買庶幾從前重複典賣之弊可以永除訟端止息擬合附詳統祈 憲鑒

前事

切照通詳清丈一案荷蒙恩准舉行此寔 憲臺一片仁慈為台邑窮民拔除錮累起見今各都壺俱丈完隱漏畢現固已坵上有業主矣但據送到各草冊細加核算其間弓口之伸縮稅畝之舛錯不一而足弊竇孔多是下清丈之中仍寓包賠之累若不按畝對圖以爬以剔遽行草率定冊致有受

害之處則其流弊寔與未丈等卑職見及于此現在親自逐都逐坵一一勘丈奈冊籍繁多攢造匪易核算維艱而且地方遼濶深山窮谷丈勘又難勢必濡遲時日未遑刻期告竣今新任六月二十一日到任之單已至卑職驟聞之不禁欣然色喜則喜夫瓜期在即一經交代便爾卸肩優游局外寧不快心然繼而思之又不禁悚然懼矣懼則懼夫人心不一譎張變幻不可端倪倘機乘交代匆忙不暇致詳之際弊作奸改換圖冊移易弓口朦混攢造此冊一定受累受害世上難除是卑職此舉非特不能為功之首反為罪之魁矣擬合詳明伏祈 憲臺俯念卑職寔為民生休戚起見飭知

新令加意剔釐以竟厥緒俾田賦永得廓清弱肉不致強食  
則憲德之覃敷同于再造矣雖聞新令忠信明決練達老  
成自然踵事增華頓使風清弊絕何容已去之員鯁過慮  
然而卑職蒞任幾及兩載深悉此邦之民奸刁百出不得不  
效囑于祀人耳合併聲明

一件遵批斟酌田由單式恭呈 憲鑒批示遵行事

竊照天台田賦混淆已極窮民受累詳蒙 憲恩准行清丈  
查出寔糧歸補虛稅已除欺隱飛駕之弊矣惟是天台惡俗  
有一田兩售甚有至於三四售者其文契則年月倒提其賣  
主則推班出色豪強兼併民業難安以致訟端蠡起錮弊相  
沿牢不可破卑職身任地方目擊情形最為真確所以復請  
頒給由單以杜盜賣盜買之弊前經稟呈單式奉 憲臺鈞  
批據稟天台徹底清丈均田定賦足見該縣勤勞既云刻期  
告竣應俟歸結再查由單內田地科則應宜開載清楚該縣  
相田地形勢之肥瘠定以上中下之則例寔科額賦遇閏則

另條分晰明示鄉愚以杜里書將來詭弊為是總在斟酌土  
 俗民情務令無弊事難懸斲亦不以此牽制也早職捧讀之  
 下仰見 憲臺籌畫精詳無微不至遵查天台田畝科則向  
 無上中下之分止有官民屯之別且止有儲米而無白糧今  
 祇遵指示開列此田每年寔科額賦若干遇閏加增若干則  
 另條分晰其地山塘亦如之一坵一圖一圖一單分給業主  
 領回收執管業以此單為憑賣買亦以此單為據庶使豪強  
 狡黠之徒無所施其併吞盜賣之伎倆則訟端可息民害可  
 除矣雖早職為已去之員未必能竟其緒尚望後來者之相  
 與有成然有以終之必先有以始之况蒙我 憲臺保赤情  
 殷虛懷若谷苟利百姓何可因任事不久遽引嫌避疑膜視  
 民瘼耶用敢冒昧瀆陳並將單式呈電是否可行統候鴻裁  
 核示遵行

一件編審屆期等事

備查十年編審乃民生休戚所關國課盈虧所係務必矢  
公矢慎庶幾弊累稍除今捧讀憲頒簡明條示愷切詳明  
何其盡善而盡美也卑職仰體憲心曾於未蒙頒到條示  
之先已將從前所有編審花紅酒禮硃價經費等項陋規盡  
行革去再查向來編審每甲點定專查稅契者二人名曰戶  
丁日逐在局伺候一都有二十名天台三十六都坊共七百  
二十名每丁繳官公費銀一兩夫官既得一兩加以經胥之  
需索往來之盤費守候之工夫每名需用銀一十五六兩統  
而計之約銀一萬兩有奇此項俱係里下照田派用卑職一

聞此害即痛加禁革其開局搭廠一切費用自行捐備傳齊  
公正鄉耆各保舉誠寔之人點驗進局令其以田從人先順  
村庄後編里保將本人所有各都田產儘數收歸一户即在  
所住本都立户完粮一人止許立一的名不許拍分数名數  
都以便將來滾單傳催惟是天台歷屆定賦編圖皆土棍豪  
衿把持牽制有紳衿存苗田有禮生免役田有苗頭帮貼田  
有抽備學院供應田至於換段移並飛詭洒派種、靠損小  
民之事難以枚舉今見徹底清釐此輩痛心疾首百計阻撓  
妄以新官到任平編方足為據之說蠱惑鄉愚陰謀中止希  
冀另起鑪錘以便於中取利在卑職才識疎庸非不欲趨逸  
而避勞自藏其拙但思 憲臺以

皇上之心為心刻、為小民求樂利卑職安敢不  
為心事、為百姓計安全耶今一面出示曉諭有差人户速  
將各都田地山塘彙齊赴局驗契收户完粮一面順庄編亩  
推收定冊倘賴 憲恩事得有成固為欣幸設或半途而止  
卑職自問於編審事宜合乎例而便於民似屬可行擬合預  
為詳明伏祈 憲臺垂鑒核批使清編重務為之前者卑職  
肇其端為之後者新令竟其緒勿有更張多其起倒并請將  
户丁等項勒石永禁俾窮民得省一分之浮費即留一點之  
脂膏國計民生不無小補也

備查國之大計在民之大計在食而食之大源惟在勸農  
 墾荒最為緊要然民間耕稼之事肆力田畝其工雖在小民  
 而操董率之權勞心經畫其責必在長吏使為長吏者未嫻  
 農務既不知稼穡之艱又不親課農之事每奉上司勸墾之  
 文不過發一套示其一遵依便爾了事問某都某甲有荒田  
 若干荒地若干不知也問某都某甲荒廢之土孰者宜麥孰  
 者宜禾孰者宜雜糧不知也夫優游衙署而足不履田疇簽  
 發簿書而目不辨土宜欲民相率力田豈可得哉卑職粵稽  
 漢建安初年募民屯田許下得穀數百萬斛所在倉廩皆滿

一件飭行查議開墾等事

備查國之大計在民之大計在食而食之大源惟在勸農  
 墾荒最為緊要然民間耕稼之事肆力田畝其工雖在小民  
 而操董率之權勞心經畫其責必在長吏使為長吏者未嫻  
 農務既不知稼穡之艱又不親課農之事每奉上司勸墾之  
 文不過發一套示其一遵依便爾了事問某都某甲有荒田  
 若干荒地若干不知也問某都某甲荒廢之土孰者宜麥孰  
 者宜禾孰者宜雜糧不知也夫優游衙署而足不履田疇簽  
 發簿書而目不辨土宜欲民相率力田豈可得哉卑職粵稽  
 漢建安初年募民屯田許下得穀數百萬斛所在倉廩皆滿



唐張全義為河南尹經東都喪亂之後招農耕種五年之後  
桑麻蔚然野無曠土前賢規畫多有成效心竊慕之今何時  
哉四海昇平輕徭薄賦共樂堯天舜日之時也屢奉

上行開墾屬吏自應仰遵德意臺上勸諭百姓宜乎認墾之恐後  
矣而天台之土田猶多未闢者誠有所疑畏於其間而從前  
未得乎探本窮源之術也幸際 憲臺仁心善政殷上以開  
墾為念又慮各縣風土不同有無扞格隱情飭行查議具見  
周析民瘼之至意查天台多山而少地多沙而少泥絕無曠  
野平原不過疊石為墼畫沙為垣其高下如旋螺剝笋其形  
體如方壁圓柱尺上寸上累黍積基地土本來饒瘠原非沃

野蕪之四面皆山層巒疊嶂西高東下溪如建瓴泮水自高  
一瀉千頃半月不雨流竭沙涸一遇天時亢旱則枯槁堪嗟  
一逢山水奔騰則決衝興嘆毋論高低旱澇大約熟少荒多  
所以戶口逃亡相繼田地荒蕪甚多錢糧歷年逋欠卑職自  
上年七月蒞任後出示曉諭今年親詣四鄉詢民疾苦遍觀  
地方形勢目擊土滿情形極口以開墾勸勉據父老子弟擁  
輿籲稟僉以峭壁巉岩之下溪流湍激之中隨漲隨沖消長  
不常今日認墾即要開報陞科倘一朝沖沒糧冊難以開除  
竟成子孫世守之累累足不前職此之故是小民不畏開墾  
而畏陞科亦不畏陞科而畏陞科後之沖沒也然而天台之

積弊又不僅在荒廢之未墾而在成熟之欺隱卑職不揣蚊  
負妄思力挽頽風已經備情詳請清丈在案今奉飭議開墾  
為之溯凋救於當年酌勸勞於今日應請 憲臺俯察卑職  
寬以為期逐都逐里一一清丈俟事畢造冊查明寔有荒廢  
若干內係有主者若干無主者若干近溪灘者若干不近溪  
灘者若干有主者速諭開墾無主者出示招徠不近溪灘而  
無冲决之患者照例成熟墾科近溪灘而有冲决之憂者許  
其開墾竟免墾科使窮民盡力耕耨勝佃種於他人倘幸而  
長保無虞藉土可以資生即或洪水泛濫仍付波臣亦無賠  
累再加時為省察和現設義倉之內不足者補之不給者助  
之自賜然疾趨而來將見久廢閒田盡成沃壤凋瘵下邑  
歲裕金錢國計民生均有賴焉是清丈與開墾相為表裏者  
也但清丈一事行之甚難卑職亦明知其難然既為親民之  
官目擊田畝如此之弊混糧賦如此之無稽窮民如此之受  
累若再苟且因循不為釐剔將來竟成江河日下之勢地方  
亦安賴此守土之吏為耶卑職是以不避嫌怨不畏強禦毅  
然舉行又恐蠹棍奸胥借端科派滋擾所用文算書手人役  
之工食及造冊紙張各項之費用俱捐給現銀供應並不派  
取民間一絲一粟又定條約十二大書曉諭俾各遵守葑屋  
編氓聞風興起皆欣然色喜引領而觀清丈之成清丈成

而開墾之事亦成矣卑職從此務期以寔心行寔事拔除天  
台田賦銅弊與民更始上以報 憲臺知遇之弘恩下不負  
讀書之素志而已為功為過知我罪我所不計也合併聲明

統祈 憲臺垂鑒

一件飭議開墾等事

備查卑邑四面皆山疊嶂層巒間多曠土此乃從前兵燹之  
後戶口逃亡拋荒失管俱係有主有糧與無主無糧之久廢  
閒田不同今承平日久人民復業各經墾熟照舊完糧毋容  
置議外惟是逼近溪灘各處所卑職因丈量之役不時親往  
四鄉查勘見新漲地畝開墾成熟者所在多有或種雜糧或  
藝禾稻或植相蔴一望菁葱無復荒蕪景况此皆務本小民  
辛勤力作之所致卑職驅車過此不禁心焉色喜隨傳該地  
父老子弟詢其曾否開報陞科僉以上臨峻巘峭壁下有湍  
激溪流隨漲隨冲難以陞科為稟卑職因思此等田地雖近

溪灘時虞冲决然現經成熟若竟聽其不官不粮於例有所  
不可但實近溪灘消長靡定今日開墾勒報陞科一朝冲沒  
不能開除是使辛苦用力之窮黎反有子孫世守之賠累於  
勢又有所不可輾轉圖維謬陳管見卑職前經通詳建造義  
倉貯穀備荒奉 各憲批允於東西南北四鄉捐資建造義  
倉四所一在花挑一在坦頭一在石板路一在平頭潭現俱  
鳩工庀材經營起蓋不日落成請將近溪新漲新墾之田地  
每畝量收租穀一二斗不等歸貯義倉歲以為常以救凶荒  
免其開報陞科倘幸而長保無虞在民賴土可以資生在官  
藉穀可以備賑即或洪水泛濫付之波臣報縣勘實就可開  
除亦無賠累實為公私兩利之道蓋漲出之地王土也義倉  
之設王事也受倉之利者王民也以王土辦王事養王民雖  
無陞科之名而有陞科之實倘蒙 憲臺准行俯容逐一丈  
明另編鱗冊申報垂為定典將見已墾者欣々然而往未墾  
者于々然而來俾天台無不闢之土無不治之田併使義倉  
可保長存而不廢則功垂奕禩利及萬民而不在一人一世  
矣在卑職乃將去之員何必復為去後之謀但留任一日不  
得不行一日之事盡一日之心可否統候 憲裁

一件再飭力行保甲以絕盜源以安地方事

備查保甲之設所以弭盜迹而嚴匪類法至善也惟行之而得其要則有利而無害行之而不得其要則有害而無利夫保甲之害者如王荊公抽兵民以遠事征伐妨農稼以遠閱戎伍使百姓軍裝餼糧而自備窮困死亡而莫哀是其所以為害也保甲之利者如王文成公之撫贛命州邑設保甲以綜核一鄉立甲長以稽查十戶清排門使奸宄無可藏選壯丁使防預有足恃是其所以為利也我朝并所謂壯丁者而盡歸之農定例開載州縣城鄉每戶給印信紙牌一張書寫姓名丁男口數生理於上十戶立一牌頭十牌立一甲頭

十甲立一保長若村庄人少戶不及數即就其數少編之保  
長牌甲不得借端魚肉衆戶違者治罪月終衆保長各出具  
無事甘結報明州縣存查此制度精詳誠盡美矣然而州縣  
每視為具文而不行即行矣而編查有費造冊有費發單有  
費遞結有費又紛一日見奉行之擾究無取效之實遂以保  
甲為厲民之具而弛之其不與因噎而廢食者等乎我 憲  
臺加意民瘼首重保甲嚴飭力行又斟酌而損益之刊發要  
畧一書并批行司道府憲詳議條分縷晰無美不臻非特盜  
賊潛踪人皆安枕而且宣 聖諭立義學設社倉免月結之  
煩便催科之法絕需索之擾真撫字催科厚生正德之道皆  
於保甲寓之猗歟休哉何其盡美而盡善也卑職自上年七  
月二十日受事以後未奉 憲行之前亦知保甲為弭盜安  
民之良法即遵 照定例出示曉諭逐戶編查奈今年半載始  
而奉委監賑總而奉委檢驗僕 征塵席不暇暖旋署後又  
因錢糧緊急日事追呼趕副 奏報未及編成今奉前因卑  
職雖庸懦無能敢不竭蹶以趨以仰副 憲臺一片愛民之  
至意乎因於六月二十五日親詣四鄉查勘田畝早晚二禾  
秀實情形並挨都順番散賑窮民乘便查編保甲所到之處  
其居民或數戶或數十戶或二三十戶極大者至六七十戶  
或百戶而止俱聚族而居一村一姓零星散處易於稽查非

如塘棲長安菱湖諸大鎮人民混雜煙火連薨者可比但天台崎零細氓其田產俱覓寄紳衿拍分花戶歷來並無實征清冊小民從無完糧的名卑職於一家牌內在丁男口數生理之下即令添註有田若干每年完糧若干庶於查編保甲之中即寓清理田畝之意將來大造按籍而稽便有頭緒再天台向有三十六里今為三十六都每都並無保甲長此有黨總一名不但地方遼濶難以巡查而其人類皆積戀朋克受賕執法不軌之徒卑職凜遵定例十家為甲十甲為保相地之宜因人之便各立一長以統攝之一都復立鄉長一名而宣化焉至所編之保即用 上諭十六條命名如敦孝一保敦弟二保之類將從前不法黨總盡行革除卑職現在自行捐備紙張刊刷牌冊頒發遵行嚴禁胥役不許借端生事需索分文村上查到戶上編入即其近家之人而為之甲長即其近村之人而為之保長即其本都之人而為之鄉約長使保甲鄉長諸人皆所熟識也其甲保鄉長等又必選擇老成奉法者而後任之從此鄉城聯絡村舍貫通詰奸不出於其家防護不出於其村禦侮不出於其都是一家一村一都之民各自為衛也至於傳集徵召不用公差查報拘催勿煩牌票悉聽保甲之自為承稟遵而行之有古寓兵於農之意焉有古軍旅卒伍之用焉有古比閭師胥之制焉無事遞相

稽察有事互相救援兼之可以德行相規可以患難相卹可  
以死喪相賙有德善孝弟則舉而旌之有無良奸匪則擯而  
懲之以及子弟訓之謙和而好禮父老勤其推卹而好義廣  
建義倉儲粟備賑一村如是各村如是一鄉如是四鄉如是  
有不雍然易俗移風哉雖然難言之矣凡事必先難而後  
易人情每苟且而圖功過急則煩擾過緩則懈弛要在不疾  
不徐以實心行實事期有實際無事粉飾而已卑邑雖云彈  
丸難以一蹴而幾統於場後編成另文詳覆外所有現今遵  
行緣由合先申報

一件嚴飭脩築城垣事

查地方之有城垣也源以保障人民捍衛社稷所關甚重身  
為民牧自宜繕脩鞏固共祝維藩庶幾無負厥職詎天台邑  
垣非但雉堞傾頽抑且門閭不設卑職蒞任後親自夜巡目  
擊情形殊覺駭異即為捐資構脩雖一月之內四門畢具可  
資防守然而城堙坍塌實甚爰同周道失令不圖為費愈鉅  
為力彌難卑職凜遵 憲行現在鳩工庀材已於十一月廿  
四日設法興脩招集境內無衣無食真正窮民令赴工所執  
宮功以荷畚鍤按名按日給米一升小菜銀一分錢五文庶  
于策鳩羣力之中復寓安撫哀鴻之意但百堵具興經費不



易有非朝夕可辦應請電原寬限俯容卑職于修竣之日造具冊結申報目下免賜行催戴沐弘慈無既矣今奉前因合將興工日期先行報明

一件學宮之廟貌等事

備查脩理學宮一案其興工日期前經報明在案今大殿以及兩廡俱已脩竣完工惟明倫堂圯廢無存工程浩大議捐議助徒為具文卑職又行捐資脩齊材料催覓夫匠即于六月初四日開工重建已牒教諭監督每日執斧者執鋸者築之登者削之馮者奔而右者趨而左者共數十人現在經營締造竟可克期告竣俟落成之日另行詳報外今奉前因恐厓檄催合先申覆伏祈據情轉覆

一件嚴催學租錢糧事

備查天台並無學田所有每年應解學租銀九兩四分五釐  
乃係辦糧民田內抽出額外加征批解散給貧生不知始自  
何年漸成定例相傳此田其始也備智者禪師之香燈租歸  
寺管其繼也充學內貧生之賑恤征解歸官已而田賣散於  
民間租額垂為定典所以從前銀數十倍於今後因里民屢  
次陳情得以遞減然而世遠年湮亦無文獻可考矣卑職到  
任以來屢據里民陳從煥吳君信范加如等紛上抱牘僉稱  
既完正供又完學租一產兩辦無藝之征誰能堪此籲請通  
詳豁免永除銅累為稟卑職目擊情形雖稔知其苦奈相沿

已久未敢草率遽為轉請第思功令森嚴民岩可畏其五十八年應解銀兩卑職不復追征徑行捐解在案今五十九年分奉憲差催遵又照數捐解外惟是此項乃給貧之項而非充餉之項乃額外征解之項而非全書額載之項夫貧士與百姓均屬

朝廷赤子貧士固當賑而百姓亦大可憫矣况查卑邑貧生陳玉宛等十名已撥給官田六十二畝資其膏火若復割百姓之肉以醫貧士之瘡諒憲臺聞之自必惻然動念也雖銀止九兩四分五厘為數無多然毫忽銖鎰何莫非小民膏血恭惟憲臺昌時名世泰運宗工玉尺持衡時雨潤菁莪之化

冰壺朗鑒春風吹桃李之英士林既得荷乎薰陶黎庶尤望登之祗席所有卑邑應解給貧銀九兩四分五厘實係正供外之加征伏乞俯電小民困苦情形恩准永免追解是以起衰救靡之手筆展夫先憂後樂之經綸為台民世上生上造無疆之福則立德立功立言並垂不朽矣

件請 憲革除行埠棍蠹扣剋橫詐之弊勒下永禁

澤及商民事

天下最可憐者操舟步擔之窮民最堪恤者小本負販  
之經紀若輩擲風沐雨戴月披星涉水登山吞饑受餓喫盡  
苦楚用盡血汗擔盡千係方獲蠅頭與居肆之百工力田之  
農夫又自不同乃往受行埠之扣剋棍蠹之橫詐吞殺飲  
恨莫可如何此種惡習到處皆然第卑職身所未經目所未  
見者未敢妄為置喙今就嵎縣蒿埧西興三處所經由而目  
擊者瑣屑陳詞籲請 憲鑒如嵎縣至天台至臨海則用夫  
至蒿埧則用船蒿埧剡嵎縣紹興西興俱用船西興到省城

則用夫到紹興到蒿埧則用船此一定之例奈有種、棍徒盤踞其間自號曰埠頭曰過塘壟斷而登凡僱夫僱船無不由其掌握多寡惟其所命銀要紋銀戥要重戥稍與之較或舡或夫即嗾一閑散去客商欲住不可欲行不能只得暗受啞苦及至勒索到手扣去加一五用銀固不必論戥發輕戥銀換潮銀有名無實間有客商私下自僱夫船者一經行埠查出即齊心結甲將私自受僱之夫舡攬斥不許其在地招攬生意窮人呼籲無門不得不聽其約束受其牢籠此嵎縣蒿埧西興三處之通病也至蒿埧則更有可怪者除寫舡行家扣得用銀外又有坐埧土棍每舡勒規例錢加一搥甲每舡勒分規錢三分窮民膏血幾何其堪此重、腹削即恭惟憲臺明如秦鏡肅若秋霜無利不興有弊必剔止道路之哭聲起生民於塗炭誠哉東浙福星允矣萬家生佛卑職叨屬隣封下吏時景儀型雖蒿埧等處均非管轄之地理難越俎而謀但莫非王土莫非王臣凡有利於百姓原無此疆彼界之殊况乎 憲臺胞與為心虛懷若谷用敢謬獻芻蕘願請俯賜鴻裁酌定嵎縣僱夫到天台到臨海每名價銀若干刊為定例使小本負販之經紀有所遵守行埠用銀飭照定例每兩三分使操舟步担之窮民不遭勒扣銀用九七戥用天平其蒿埧搥甲土棍所勒之規例痛加禁革勒石曉諭永遠遵

行則歌頌 憲臺功德者當不僅在一郡一省已也卑職實  
為地方利弊起見不辭罪戾冒昧瀆詳是否可行幸祈垂鑒

馮

一件請行平糶等事

備查天邑今年被旱雖不成災然收成歉薄小民粒食維艱  
已經詳明 各憲將所存倉穀減價零星平糶二千石以濟  
民食於來年早禾成熟之候照數買補還倉恩蒙痼瘼念切  
批飭議定減價數目詳請核奪仰見 上憲撫恤窮黎已溺  
已饑之至意卑職遵查天邑僻處萬山之中不通舟楫崇山  
峻嶺運送艱難並無外來商販惟賴土產之米以供朝夕然  
又類皆磽瘠砂田非屬膏腴沃壤即在豐稔之年收穫有限  
若遇災荒之歲粒米如珠是以每年米價較之他處為更貴  
今查天台現在米價台戩台銀每石一兩六錢穀價台戩台

銀每石八錢核到足平足色米每石一兩二錢穀每石六錢  
但此乃就今年旱後時價而言也幸逢雨暘時若年歲豐登  
米不過一兩穀不過五錢今奉飭議減價平糶倉穀卑職妄  
抒管見每石照時價減去三錢止糶三錢編書告示宣揚  
上憲德意曉諭窮民使其零星買食統於來年二月起至來  
年四月初一日止所糶米價存貯縣庫俟早禾成熟後買補  
還倉倘價不敷卑職自行捐買補完緣奉飭行查議事理是  
否如斯伏候 憲臺批示核轉知照到日以便遵行者也仰  
更有請者卑職倉內前蒙 憲臺盤明封貯穀三千八百二  
十石三斗除奉飭平糶二千石外尚貯一千八百二十石三  
斗卑職目擊境內無食窮民鵠面鳩形化僞載道情殊可憫  
身任地方能無動念謬做江南省城每年隆冬煮粥賑饑之  
例暫那所貯一千八百餘石之穀煮粥賑濟總於秋收後俯  
容卑職設法捐買還倉使目下真正無衣無食之人不致顛  
連失所弘恩出自 憲臺主持擬合一併詳明

一件請旨事

備查奉行催募石匠解赴塘工一案卑職前經凜遵 憲轍  
 於五月十九日批解陸以德等八名在於鄭分司案下募地  
 回歸喚訊之下僉云不諳鑿石且不能安其身稟明回籍等  
 語續於七月二十四日當堂驗點許子名等一十四名解赴  
 武康縣又以不諳開採做光恐致虛糜口食空費錢糧交發  
 原役帶回是非卑職不解石匠前赴塘工實卑邑並無堪充  
 塘工之石匠矣若再另拘另解非惟徒多滋擾使窮民衽席  
 不安究於塘工無補誠如武邑所云空費錢糧虛糜口食耳  
 擬合詳請俯賜鑒原將派取卑縣之石匠轉詳免解俾鳩鵠



窮黎得免奔波道路卑職亦免遲延覆餗之虞感沐弘慈非淺鮮矣

前事

備查人各有能有不能若堪充塘工之石匠自有專長非凡為石匠者皆能勝任愉快也今卑邑石匠其長技不過砌路疊牆若云塘工原非素諳前奉憲行提解上年五月解過八名七月解過十四名俱以無用發回隨即請詳豁免奉批仰候彙覆在案今復奉提六名敢不凜遵即解但卑邑石匠寥寥無幾除上年解過發回外尚有楊汝林等數人差喚當堂親驗尪羸不堪更屬無用即使勉強解去徒然虛糜口食終無補於塘工是提一回地方多一回之滋擾解一回窮民多一回之苦累矣卑職身為民牧目擊情形不得不代為請命為此據情詳請憲臺俯賜鑒原卑邑實無堪應塘工之石匠格外施恩轉請免解使窮苦手藝細氓獲安衽席則憲臺之厚澤深仁同於覆載矣

一件飭查廢寺田產等事

備查天台官租一項其坐落十一都者則有澄深真覺大慈  
 三寺其坐落三十六都者則有廢絕表明龍季喜潘銀陶毛  
 羅成四等五戶其坐落三十七都者則有淨惠寺並絕戶張  
 光冊載官民屯田一千八畝五分二厘零地八百九十六畝  
 三分六厘零山八百五畝六分八厘零塘二畝四分一厘冊  
 開穀租共九百三十一石三斗五合麥租二十一石七斗三  
 升五合零豆租一十四石四斗九升四合按冊而稽非不動  
 人心目然而田地俱在深山窮谷之中與寧海新昌東陽連  
 界離縣百有餘里層巒疊嶂不見人烟負耒耕犁無可駐足

所以荒蕪居多豐歲收租尚不及原額十分之六斛名小構  
止有官斛十分之七每年應納正銀一百二十五兩八錢五  
分八毛應流丁銀一十兩九錢五分應納儲米一十六石七  
斗二升六合二勺折徵銀一十七兩五錢六分二厘共該納  
正銀一百五十九兩三錢六分有奇年收租穀核算充糧實  
屬不敷雖承催之經承差役或狼狽為奸有中飽侵漁之弊  
亦未可定但田地寫遠蕪之一派荒山即有餘瀝諒亦有限  
蓋天台廢絕田地大率俱歸首戶今淨惠澄深等寺廢產當  
年不歸首戶而歸官者原視同道旁之苦李耳相沿至今官  
收租穀有名無實不又等于盤餐之雞肋乎今奉飭查卑職  
若不縷悉詳明恐貽後來口實用是備造各廢寺絕戶田地  
山塘錢糧租穀各細數清冊具陳 憲鑒其應作何區置統  
候 憲臺主持非卑職所敢置喙也

冊 卷之十一 刑部 卷之十一 刑部

一件欵奉 上諭事

查徵收錢糧公同教官丞尉折兌印押貯庫交經承庫書看  
守仍令教官丞尉及經庫人等按月出具印甘結送府者原  
為不肖州縣經多報少侵欺虧空而設然既有四聯串票流  
水簿蓋用府印每日造具征收解給月報清冊同串票于次  
月初十內繳府查核是錢糧有無虧空查閱簿串即已了然  
又何須教官丞尉折兌按月具結致滋案牘豈以 憲臺蓋  
印之串簿不足為憑而教官丞尉之一紙甘結反足為據耶  
况丞尉俱係州縣轄下之員何難通同徇隱而教官又係首  
蕭荒齋寒粘冷署一同折兌錢糧累百盈千觀其心目輒起

垂涎藉生事端如永嘉等縣申詳教官監拆錢糧希圖耗羨  
箠拏庫書經承藉事橫行等案現奉 督憲嚴加批飭是教  
官丞尉公同拆兌錢糧及出具印甘各結申送非惟無益反  
多滋擾也况早職一介書生初登仕路頗以身家為重錢糧  
不敢毫忽虧空現在分年分月脩造征收若干解奏若干存  
庫若干逐月交盤清冊存架 憲臺可以不拘早晚赴縣查  
盤卑職識淺才疎諸事不諳惟此斤斤自守錢糧不致有分  
毫虧空貽累 憲臺此則卑職之所以仰報 弘恩于萬一  
者耳其教官丞尉公同拆兌出結之處應請轉詳恩免以便  
遵行

### 前事

### 備查

聖朝新例最重錢糧而州縣每多虧空致屢 上憲殷憂其蚤夜  
圖維深思熟計者總為裕國課而全屬吏起見今征收錢糧  
奉行四聯串票及流水簿送府蓋印每月將征收數目同串  
票繳府查核公同教官佐貳拆封報明本府存案立法至嚴  
至密已盡善盡美矣復奉 督憲飭行將各縣征收錢糧確  
數及道路遠近程途酌量起解次數隨征隨解并作何立法  
防範永杜虧空之處逐一妥議通詳蒙 憲轉行到縣卑職  
伏思州縣一官其出身也雖有不同而其思保身家之念則

無不同孰肯放縱自恣致有虧空而蹈嚴譴乎然每至于  
虧空而莫可救藥者非惟謀之不臧因循頽廢之故寔有積  
漸而成不得不然之勢然而州縣之虧空本府未有不知故  
欲永杜州縣之虧空端在本府之表正夫大法則小廉上行  
則下效本府果能平日不務誅求遇事不為徇庇持身以正  
律人以嚴縣官自不敢虧空縱不用朕四串票可也流水簿  
不送府印可也苟或不能種之徒屬具文耳至于公同教官  
佐貳拆封一事無論教官統揖于縣者佐貳節制于縣者公  
同拆貯亦為具文即其中情弊卑職又畧聞之矣其始也教  
官佐貳非不持柄而操其縱也定有常規每至拆封之日便

未安坐衙齋歡呼暢飲銀櫃一目不顧拆封事竣即依樣葫  
蘆同具一紙報文便為了事在佐貳以為我無考成落得做  
情尚亦有利在縣官以為與其任人牽鼻何妨猫鼠同眠打  
成一片由是火耗以漸而加由是錢糧征多報少是興一利  
即有一弊所謂多一事不如少一事之為愈也總之欲杜州  
縣之虧空專賴本府之寔力盤查不虛行故事而本府欲寔  
力盤查又在乎廉明正直以為之表率而已至于錢糧自應  
嚴飭隨征隨解不令存留若欲計道路之遠近酌量起解之  
次數竊恐不肖官役乘此作奸其弊又不可勝言矣然此非  
卑職分所當言狂愚之咎自問難免緣奉行妥議事理用敢

不辭罪譴冒昧陳詞是否有當擬合詳請 憲臺鴻裁核轉

一件請嚴虧空等事

看得五十八年儲米欸冊奉駁另造一案查卑職于五十八年七月二十日到任八月二十二日開征二十七日即因卽願二任交盤赴省逗留兩月有餘至十一月初一日旋縣本年儲米征收不前奉撥寧協兵米乃計口授食之項不容遲悞省倉兵米又緊急軍糈催提迫切卑職無可如何已經墊解全完申報 各憲所以盤查文冊照實造送今蒙駁飭刪去民欠敢不恪遵惟是五十八年儲米實在墊解實有民欠事關錢糧卑職止知據實開造不敢一毫侵虧一毫捏飾自誦欺蔽之罪况查五十七年儲米盤查冊底卽願二任墊解

米石以及民欠俱係開載何獨於卑職五十八年盤查米冊  
又不應爾也况所謂盤查者查其實在也非查其粉飾也  
若必欲以無為有以有為無一味欺瞞從事是盤查一節亦  
名焉而已矣不幾等於告朔之餼羊乎亦安用此盤查為也  
今奉前因擬合詳覆

一件請嚴虧空之法等事

備查前任柯令虧空案内應追原欠民借銀四千五百七十  
四兩二錢五分六釐除追完五十七兩九錢六分一厘三毫  
于即令虧空案内歸結外尚未完銀四千五百一十六兩零  
據稱此項銀兩係康熙四十六七等年民欠米折歲歉難追  
里民陳士籍等稟借庫銀抵解柯令那借完公是當年借領  
時已屬筋枯髓竭之窮黎名雖百姓借領實屬柯令那移後  
即令任內奉文行追孰知五十五六兩年旱潦游臻大疫流  
行百姓死亡過半所以前項銀兩除已徵過五十七兩九錢  
六分外其餘毫忽無追今卑職蒞任後查閱欠冊按其名則



有究其實則無不特借戶陳士籍等戶絕人亡并經承許整  
叔等亦盡登鬼錄是昔之筋枯髓竭者今變為白骨青燐寔  
在追無可追比無可比已屬無着之項矣伏查承追侵那借  
欠各案新例內開如果家產盡絕正犯身故及妻未分家之  
子不能補賠者該地方取印甘各結申報保題豁免結案等  
語今柯令虧空案內尚未征完民借銀四千五百一十六兩  
零實因疊遇災荒年湮戶絕遍加搜查無人可追據各都甲  
具有甘結前來擬合加具印結詳請 憲臺俯賜擬情保題  
豁免以廣

阜仁以清塵牘倘或以 國課為重不便輒行請豁則請咨明

大部照例着落那移原借官柯令名下追賠補項或又不然  
竟請飭令承審定案之府縣分賠卑職有接徵之責自當量  
力認派幫賠總期事在可行懸欠有補府縣不受無辜之叅  
罰 憲臺免滋案牘之繁多統候 鴻裁核示遵行卑職實  
為錢糧無着起見並非欲避處分敢於支飾故為續請合并  
聲明

一件衿棍違禁充當頭包糧抗逋額請褫革完追事  
竊查康熙五十三四五六七等年未完地丁銀米非係覆叅  
限滿有闕上下考成即係奉抵郎令虧空立等解部事在燃  
眉萬難遲悞即五十八年錢糧因奏銷展限奉飭全完羽檄  
交馳急如星火而本年地丁屆令七月尚完不及二分所完  
儲米亦僅一分喫緊錢糧傍午軍糈無可湊解屢經出示反  
覆勸諭令民完納以濟急餉無奈裒如充耳一任大聲疾呼  
抗頑如故不得不分年分項按欠追征詎意查比之下實在  
民戶絕少盡係秀才挺身到案名曰頭包內田土糧役歸  
其掌握每年造冊分額不但詭寄洒派靠損他人以脫卸自

已之錢糧而且將靠損他人之錢糧又任意兜收侵蝕而且將同宗以及另居親屬之錢糧隱蔽在戶所以箇頭一人或諱或字或號或朋名鬼名拍分數十戶星羅碁布于各都甲之中每日比較俱是若輩前來搪塞無一日不到郊無一日有糧完此時若竟寬之則新舊錢糧批解不前而上臺不曰已征侵虧即云催科無術若稍急之而若輩不云縣官凌辱斯文即曰差胥勒索規例投貼匿名揭帖信口顛吠輿言及此不勝扼腕今查五十五六兩年未完地丁因上憲覆叅限滿卑職業經墊解全完而五十七八兩年以及本年儲米又俱墊解清楚節年積逋累萬盈千立等追征歸款詎違

禁身充箇頭之衿棍徐士英徐燁陳棚葉紹述徐詢裘慶望葉楷范之舜范伯球章帝煥范有章陸溶等兜欠康熙五十四五五六七八九等年銀米各五六十兩十五六石不等頑抗成風任催不理查徐士英等或盤踞山谷或稱霸城廂雄長一方聚族而居夜郎自大箇差不敢到門追呼縣官不能當堂杖比以致胸無官長目藐王章若不亟賜褫革究追竟成一牢不可破之世界必相率而盡歸于兜收抗欠而後已積逋陳相因清完無日查定例內開如有貢監生員拖欠錢糧一經州縣衛所報到學臣即行黜革照民例治罪等語理合造具徐士英等歷年欠糧清冊詳請照例移咨褫革究追

清國賦而挽頽風端有賴于憲臺之主持者矣但卑職  
江左寒儒倖邀一第謬宰天台豈不知狐兔之悲忍將抗糧  
各生請褫請究自傷同類惟是國課為重新例綦嚴稍一  
遲悞即係情征解不及數即罹降革而天台子衿逋抗連年  
滾單窒碍不行木皂置之高擱從前已釀成勢橫實有誅之  
不可勝誅之勢今擇其尤者速為振刷而懲創之猶可救藥  
倘再務姑息惟事因循其弊日錮其欠日多卑職囊空羞澁  
術乏點金不能年々賠墊項々賠墊以顧考成即或剜肉補  
瘡那新掩舊竊恐累愈久而愈深身家性命顛覆堪虞用是  
瞿然敢為是瀆請耳况請褫請究之人乃係積慣詭寄洒派

不法之苗頭非平日讀書愛鼎偶罹事故者可比此固法無  
可貸情無可矜斷難優容以自蹈狗庇之愆也更有請者又  
有苗頭陳天鉉自恃城東巨族出入衙門把持官長欺壓鄉  
愚惡蹟疊々雖其兜欠糧數較士英等為差少而其逞雄負  
固比士英等為更甚天鉉有士英等為牙爪士英等憑天鉉  
為城社天鉉實屬巨慝所當一並詳褫究擬以快人心者也

一件橫被燒詐等事

看得天台地瘠民貧編戶細氓賣鹽為業步擔肩挑以餬其口卑職雖嚴加禁止奈少者一二十觔多者三四十觔而止稽之鹽法考在所不禁因此輩實繁有徒遂致官引壅滯卑職不得已于康熙五十九年十月間有鹽課歸入地丁征解之請並有循例將鹽引併歸寧海代銷之詳奉 各憲批行查議業經詳覆候示在案詎意住商余用汲平日不以銷引完課為心專以賣粟肥家為念聯結豪劣鄭君昭之父革蠹鄭朝謙祖孫父子兄弟盤踞青溪坦頭平頭潭等處秦養益丁馮秀等多人胆違定例廣賣小粟每張勒銀六分每日每

處買粟者不下五六十人卑職自五十八年七月二十日到任迄今余用汲僅掣銷五十六年春季引目三十引又五十八年春季引目三十引其餘片引未掣不知其所賣盈千累百之粟銀作何開銷作何着落是余用汲名為住賣官鹽實屬賣私之領袖官引不銷職此之故况又與革蠹鄭朝謙併伊子生員君昭狼狽為奸恣行煨詐受害累不獨王宗建一家之哭實貽一路之哭若不急賜究除則其悞課殃民坑官病國無所底止用敢據實通詳伏祈 憲臺嚴究擬追以清積引以肅鹺政以伸功令者也

一件犄衿抗糧遵例詳請褫革究追事

竊照地丁銀米厘毫顆粒俱屬

朝廷正供是以州縣經徵接徵年限考成處分甚重稍一遲悞即係情徵解不及數即罹降革新例綦嚴凜然可畏今台邑錢糧大半俱屬生監堯收頑抗以致節年積逋累百盈千銅弊相沿牢不可破卑職准任以來接奉 上憲明文催征催解急如星火而完納寥寥隨即清查節欠有武生龐人鳳附生吳邦定即吳溶堯欠康熙五十五六七八九等年地丁銀各四十餘兩儲米各二十餘石一任追呼自恃護符總無完納查定例內開如有貢監生員拖欠錢糧一經州縣衛所報到

學臣即行黜革照民例治罪等語今查龐人鳳于康熙三十  
六年奉前 學院張考入本縣學武生吳溶于康熙四十三  
年奉前 學院張考入本縣文生此二生者實係抗糧魁首  
斷難一日姑容致令效尤成習擬合脩造龐人鳳吳溶等歷  
年兇收抗糧清冊照例詳請 憲臺俯賜褫革以便核數究  
追清國賦而昭法紀者也

前事

查看得龐人鳳吳溶恃衿護符包侵歷年銀米頑抗無完通  
詳褫革押追半年毫無完納膽又機乘卑職因公出境復兇  
收五十九年分新糧入壑不法已極是以批差解赴 憲臺

仰藉威凌究比并請轉解 藩憲以儆疲頑以挽頹風詎料  
膽將文內轉解二字改作轉請又將解赴 憲臺究比轉解  
之句改作先行詳請究比批解匿批不投朦混 憲聰致蒙  
批飭到縣查閱批詳挖補痕跡昭然不勝駭異隨拘經差嚴  
訊而龐人鳳吳溶二犯僉供是 憲書儲德潤到寓兜攬口  
稱鋪堂使用要費十多兩銀子若有銀四兩可以周全隨即  
照數措處同文批交付與他等語傳訊之下德潤直認不諱  
因思 憲法何等森嚴必無如此作奸犯科之書後明係卑  
職經承舞弊事露免求代認希圖倖漏耳及反覆細訊德潤  
堅供如一矢口不移夫歌雍舞佻夫子致嘒於三家所以防


微而杜漸也今官文可改解犯可放是可為也孰不可為也  
法應通詳究擬但又思投鼠忌器未敢率意妄行除原解之  
玩差方仲楊汝並代解之應從芳等徑行痛加究處外至  
憲書儲德潤卑職未敢擅便擬合同原差方仲楊汝并交付  
文批之應從芳行賄之龐人鳳吳溶等一併解赴 憲臺質  
訊親究所有挖改文書一道一並粘呈 憲電卑職為 憲  
臺守法紀剔奸頑故敢不避嫌怨據實詳陳仰祈 憲臺鑒  
原

一件嚴交代之察核等事

備查卽令墊解民欠共一千三十三兩五錢七分零除署縣  
征過銀七十四兩二錢九分一厘外尚有未征銀九百五十  
九兩二錢八分有奇奉行抵補虧空飭取收結卑職已凜遵  
出具申送矣惟是此項係歷年零星尾欠目下又當荒旱之  
後民生凋瘵難堪雖竭蹶催征萬難一時清楚擬合詳請  
電原格外俯容卑職隨征隨解寬以為期感沐弘慈無既矣  
再卽令虧空倉穀及倉米一米二穀筭共缺四千九百九十  
四石一斗八升除本府承認三千九百九十四石一斗八升  
以三錢一石筭計平糶穀價銀一千一百九十八兩三錢五



分零存貯府庫已經本府出具庫收申送應俟本府買補運  
貯縣倉外仍缺倉穀一千石卑職寔為前後同官起見且仰  
體 各憲垂慈勉為承認應請俯容卑職于來年秋收後捐  
資買補還倉理合一併詳明統叩 憲臺核批存案



一件請免捐派事

該卑職備查巡憲衙門例係寧海縣承脩今奉 憲飭公捐  
派卑職出銀一十二兩敢不祇遵惟是脩理府廳公署向經  
派定由來已久無可諉卸如卑縣派定者係經廳官解從無  
詳請公捐之事若欲紛更舊例除刑廳照磨奉裁外將來

憲臺暨 捕憲二署臨海黃巖亦可起而効尤矣雖官斯土者  
原如傳舍籠鶴携琴未知明年何處况為數無多何敢齟齬  
有違 憲令且失寅恭但思有例不可減例而無例又不可  
典例卑職復何敢以一人作俑致令後來者之口實耶今奉

前因擬合申覆

文正發白

秦原藏書



